

SAVJET GRADONAČELNIKA ZA LOKALNI EKONOMSKI RAZVOJ

Broj: 07/17
Tuzla, 19.07.2017. godine

Z A P I S N I K **sa 7. sastanka Savjeta gradonačelnika za lokalni ekonomski razvoj**

Sastanak je održan dana 18.07.2017. godine u Tuzli, u Sali za sastanke na prvom spratu, sa početkom u 15.00 sati s ciljem prezentiranja članovima Savjeta aktualnih aktivnosti gradske uprave koje su usmjerene na lokalni ekonomski razvoj i poboljšanje poslovnog okruženja u gradu Tuzla.

Prisutni:

Jasmin Imamović, Gradonačelnik
Nermin Čolić (Bony), Predsjednik
Dario Nikolić (Bingo), Zamjenik Predsjednika
Muris Nišić (Inkubator „Lipnica“)
Fuad Šehić (COGO Living)
Jasmin Imamović (JU Turističko ugostiteljska škola)
Adnan Aliefendić (Bulet PJ Motel Royal)
Edin Okanović (Aronija Okanović)
Admir Jaganjac (Annoa)
Pejo Nišandžić (Nipex)
Slađana Jovičić (Udruženje obrtnika Tuzla)
Mustafa Suljetović (Caffe Bar Sloboda)
Mirsad Durić (Drampek)
Muharem Kabil (Pekara Kabil)
Emir Delalić (Deling)
Ahmet Šišić (Alpamm)
Merima Dževdetbegović (Menprom)
Emir Behtašagić (UNCRO)
Amira Ajdaslić Okanović (Pregetti Bosnia)
Azra Jusufbegović (NERDA)
Vedran Lakić (Grad Tuzla – Služba za ekonomski razvoj i društvene djelatnosti)
Dijana Dizdarević-Radovanović (Grad Tuzla – Služba za ekonomski razvoj i društvene djelatnosti)
Mirela Jusupović (Grad Tuzla – Služba za ekonomski razvoj i društvene djelatnosti)
Marijana Ivaković (Grad Tuzla – Služba za ekonomski razvoj i društvene djelatnosti)

Sastanak je otvorio predsjedavajući Savjeta Nermin Čolić. Naglasio je da će zapisnik sa prošlog sastanka biti razmatran na sljedećoj sjednici zajedno sa zapisnikom sa ovog sastanka i predložio sljedeći dnevni red:

1. Informacija o realizaciji Programa raspodjele sredstava iz Budžeta Grada Tuzla namijenjenih za podršku razvoju poduzetništva na području grada Tuzla za 2017. godinu
 - a) Projekt „Zapošljavanje i nova radna mjesta“
 - b) Projekt „Siguran start“
 - c) Projekt „Zapošljavanje ranjivih kategorija“

2. Odluka o izboru najpovoljnijeg ponuđača i davanju saglasnosti na zaključenje ugovora o osnivanju prava građenja na nekretninama u vlasništvu Grada Tuzla (lokalitet poslovne zone Kreka Sjever)
3. Informacija o osnivanju Kancelarije za poduzetnike u okviru gradske uprave Tuzla
4. Prijedlozi inicijativa, mjera i preporuka članova Savjeta za LER za unaprjeđenje poslovnog ambijenta u gradu Tuzla
5. Razno

Gradonačelnik Jasmin Imamović predložio je da se u dnevni red pod tačkom 3. uvrsti Informacija o Nacrtu Zoning plana „Rekreaciono područje i park šume Ilinčica“ a da predložene tačke 3, 4 i 5 postanu tačke 4, 5 i 6. Također, predložio je da se u okviru tačke 5. Presentiraju informacije o toku turističke sezone u Tuzli i razmotri inicijativa za osnivanje Turističke zajednice grada Tuzla. Predložene izmjene i dopune su jednoglasno usvojene, a nakon toga pristupilo se radu po usvojenom dnevnom redu.

Ad 1. Šef Službe za ekonomski razvoj i društvene djelatnosti Vedran Lakić prezentirao je Informaciju o realizaciji projekata u okviru Programa raspodjele sredstava iz Budžeta Grada Tuzla namijenjenih za podršku razvoju poduzetništva na području grada Tuzla za 2017. godinu. Riječ je o projektu „Zapošljavanje i nova radna mjesta“ za čiju realizaciju je iz Budžeta Grada Tuzla izdvojeno 250.000 KM u svrhu sufinansiranja uplate doprinosa za penzijsko-invalidsko i zdravstveno osiguranje za novouposlene radnike u 2017. godini i to 2.000 KM po novouposlenom radniku. Na ovaj način podržana su 64 poslovna subjekta s područja Grada Tuzla što je rezultiralo sa 125 novih radnih mjesta. Drugi projekt „Siguran start“ novi je oblik podrške pokrenut u 2017. godini u cilju povećanja broja i održivosti novoregistrovanih samostalnih djelatnosti i pravnih lica na području grada Tuzla. Za ovaj projekt iz gradskog Budžeta izdvojeno je 150.000 KM i sa ovim sredstvima podržano je ukupno 65 novoregistrovanih samostalnih poduzetnika i privrednih društava s područja grada Tuzla, što je rezultiralo sa najmanje 65 novih radnih mjesta. Jedan od planiranih je i projekt „Zapošljavanje ranjivih kategorija“ koji ima za cilj podsticanje upošljavanja osoba sa invaliditetom na području grada Tuzla. Za ove namjene u Budžetu Grada Tuzla planirano je 25.000 KM, međutim u ovoj godini poslodavci do sada nisu iskazali interes za ovaj projekt tako da je javni poziv još uvijek otvoren. Članovi Savjeta su pozvani da razmotre mogućnosti svog doprinosa kako bi se i ovaj projekt uspješno realizovao. Članovi Savjeta izrazili su zadovoljstvo prezentiranim informacijama s tim da je Pejo Nišandžić (Nipex) sugerisao da se u cilju praćenja učinkovitosti uloženi sredstava prati koliko od novouposlenih radnika ostane u radnom odnosu kod poslodavaca nakon isteka novčane podrške. Mirsad Durić (Drampek) je istaknuo da je ovaj vid podrške od značaja za poduzetnike, ali da su to nedostatna sredstava, da svakako treba raditi kontrole i provjere ali da je uspjeh ako 30% od novouposlenih ostane u radnom odnosu i nakon isteka novčane podrške. Vedran Lakić je obavijestio prisutne da se radi monitoring i evaluacija pomenutih projekata, da je u 2015. godini od 40 novouposlenih radnika njih 39 zadržano u radnom odnosu kod poslodavaca.

Ad 2. Članovi Savjeta upoznati su i sa Odlukom o izboru najpovoljnijeg ponuđača i davanju saglasnosti na zaključenje ugovora o osnivanju prava građenja na nekretninama u vlasništvu Grada Tuzla na lokalitetu poslovne zone Kreka Sjever, koju je usvojilo Gradsko vijeće Tuzla na sjednici održanoj 13.07.2017. godine. U skladu sa pomenutom Odlukom, najpovoljniji ponuđači za osnivanje prava građenja na tri parcele u poslovnoj zoni Kreka Sjever su sljedeći poslovni subjekti: „Progetti Bosnia“ d.o.o. Tuzla, „Koala automotive“ d.o.o. Tuzla i OR Pekara „Kabil“ Tuzla koji bi trebali osigurati oko 96 novih radnih mjesta, s obzirom da je propisano da su u obavezi na svakih 100 m² dodijeljenog zemljišta uposliti po jednog radnika. Muharem Kabil (Pekara Kabil) interesovao se dalju proceduru nakon što je usvojena pomenuta Odluka. Vedran Lakić je najavio skoro potpisivanje ugovora sa odabranim poslovnim subjektima, a Gradonačelnik je naglasio obavezu dostavljanja nacрта Ugovora i pomenute Odluke 8 dana prije potpisivanja. Predsjedavajući Savjeta Nermin Čolić interesovao se koliko je još ostalo slobodnih parcela u Poslovnoj zoni Kreka Sjever. Prema riječima Vedrana Lakića u prvoj fazi ostale su za dodjelu još dvije parcele, javni poziv je u toku i za sada je prijavljen jedan kandidat. Zamjenik predsjedavajućeg Dario Nikolić interesovao da li će u narednom

periodu biti dostupno još parcela u okviru poslovne zone. Vedran Lakić je odgovorio da će biti dostupno još 10 parcela za koje je u toku rješavanje imovinsko-pravnih odnosa.

Ad 3. Gradonačelnik Jasmin Imamović upoznao je članove Savjeta sa osnovnim karakteristikama Nacrta Zoning plana „Rekreaciono područje i park šume Ilinčica“ te ih pozvao da se sa svojim prijedlozima i sugestijama aktivno uključe u javnu raspravu o ovom dokumentu, čija će realizacija doprinijeti ekonomskom razvoju i kvaliteti življenja u gradu Tuzla. Pored brojnih sadržaja, prema riječima Gradonačelnika, planirana je i izgradnja etno sela na ovom području te zamolio članove Savjeta da, u skladu sa mogućnostima, doprinesu traženju investitora za izgradnju. Dogovoreno je da se Nacrt Plana u elektronskoj formi proslijedi svim članovima Savjeta na razmatranje.

Ad 4. Gradonačelnik je prisutne upoznao i sa aktivnostima na uređenju Kancelarije za poduzetnike u okviru zgrade gradske uprave Tuzla, koje su u završnoj fazi, što su članovi Savjeta svesrdno podržali. Najavio je da će u ovoj kancelariji biti angažovani državni službenici gradske uprave Tuzla iz tri resorne službe koji će biti na raspolaganju poduzetnicima te spona između njih, gradonačelnika i šefova gradskih službi. Nakon završetka sastanka članovi Savjeta su obišli Kancelariju koja je u završnoj fazi rekonstrukcije.

Ad 5. Gradonačelnik je članove Savjeta upoznao sa dosadašnjim tokom ovogodišnje turističke sezone. Naglasio je da tuzlanski aerodrom radi sve bolje što rezultira velikim brojem stranaca u gradu, prema njegovim riječima gradska uprava sve više ulaže u razvoj kulturog turizma, a evidentan je nedostatak smještajnog kapaciteta u vidu hostela. Uzimajući u obzir navedeno, nameće se potreba sistematskog pristupa razvoju turizma u našem gradu, a s tim u vezi i osnivanje Turističke zajednice Grada Tuzla. Članovi Savjeta jednoglasno su podržali ovu inicijativu.

Ad 6. Gradonačelnik je najavio skorou finalizaciju Inicijative za ukidanje kantona u Federaciji BiH te naglasio da će ista biti predočena i članovima Savjeta u cilju pribavljanja njihovog mišljenja, prijedloga i sugestija.

Sastanak je završen u 17:00 sati.

Zapisnik sastavila:

Marijana Ivaković